



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Opera Mystica V. Ac Mystici Doctoris F. Ioannis A Crvce
Primi Religiosi Discalceati Ordinis B. V. M. De Monte
Carmelo Et Seraphicæ Virginis Theresiæ fidelissimi
coadiutoris**

Juan <de la Cruz>

Coloniæ Agrippinæ, 1639

Cantvs Qvadragesimvs.

urn:nbn:de:hbz:466:1-37873

CANTVS QVADRAGESIMVS.

CANCION XL.

*Que nadie lo miraua
Aminadab tan poco parecia
I el cerco sofegaua
I la caualleria
A vista de las aguas descendia.*

SENSVS.

*A nemine videbatur
Aminadab, neq. comparebat,
Obsidium mitescebat
Et equitatus
Ad conspectum aquarum descendebat.*

DECLARATIO.

IN hoc postremo cantu vult anima indicare dispositionem suam presentem, ad recipiendum dona, quibus in hoc statu fruitur, quæque à Sponso periuerat, quæ absque huiusmodi dispositione in ea, nec recipi, nec conseruari possunt. Proponit itaque amato quatuor dispositiones seu congruentias, quæ ad prædicta dona obtinenda sufficiunt, quo sic eum amplius deuinciat, vt sibi illa conferat, prout dictum est. Prima dispositio est: quod sit iam auulsa & à rebus omnibus abalienata. 2. quod iam dæmon superatus sit ac profligatus. 3. quod subditas habeat iam & subiugatas vniuersas passiones & appetitus connaturales ac spirituales. 4. & vltima dispositio est; quod reformata & purificata sit pars sensitua, & spiritali conformis effecta, adeo vt non solum non impediat, sed etiam coadunetur spiritui, bonorum illius particeps effecta, quæ omnia concinit sponfa in hoc cantu, inquiens:

A nemine videbatur

Quod idem est ac si diceret: tam solitaria, abalienata, & à rebus omnibus tam superioribus, quam etiam inferioribus auulsa est anima mea, tamque intimè ingressa est tecum per recollectionem, vt illarum omnium obtutus prorsus effugerit; ita vt nec suauitate sua ad oblectationem seu gustum eam moueant, nec miseria & vilitate amaritudinem, molestiamque inducant; dum enim anima mea ab illis vsque adeo longe distat, retrorsum valde & procul remanent à conspectu meo. neque id solum, sed etiam

Neq. Aminadab cõparebat.

Aminadab in diuina scriptura Caco-dæmonem animæ aduersarium designat,

qui innumerabili tentationum apparatu assiduè eam impugnabat & perturbabat, ne ad hanc munitissimam arcem atq; latibulum recollectionis, in vnione dilecti confugeret ac se reciperet: Vbi anima adeo fausta, victrix & in virtutibus fortis est, vt coram illa malignus spiritus comparete formidet; vnde ex eo quod talis amplexus fauore insignita, & dæmonita longè sit profligatus: tum etiam quia postquam anima dæmonem perfectè superauit, prout fecit illa quæ ad hunc statum peruenit, idcirco vltra coram illa nõ comparet: propterea optime ait: *Neque Aminadab comparebat.*

Et obsidium mitescebat.

Obsidij nomine subindicat hoc loco passiones & appetitus animæ, à quibus

Kkk

obsi-

obsidetur & oppugnatur, quamdiu non sunt omnino superati; idcirco obsidium eas vocat, quod etiam quiescente in hoc siquidem statu passiones ita compositæ sunt, & appetitus ita refrenati, ut vix molestiam aliquam inferant aut bellum.

Et equitatus.

Ante conspectum aquarum descendebat.

Aquæ denotant hic bona spiritualia, quæ animæ conferuntur in hoc statu. Equitatus verò designat potentias partis sensitivæ tum internas, tum etiam externas. Quas potentias hoc loco Sponsa descendere ait ante conspectum harum aquarum spiritualium; in hoc siquidem statu ita purificata, & ut sic loquar, quodammodo spiritualizata est pars sensitivæ animæ, ut ipsa vnâ cum potentijs ac viribus suis naturalibus, sese recipiat ad participandum & suo modo fruendum spiritualibus muneribus, quæ Deus actu spiritui communicat: prout indicare voluit David, quando dixit: *Cor meum & caro*

mea exultaverunt in Deum vivum. Est autem notandum, quod non dicit hoc loco Sponsa, equitatum descendere ad gustandas aquas, sed ante conspectum aquarum: quia nimirum hæc portio sensitivæ & ipsius potentia nequeunt essentialiter & propriè gustare bona spiritualia, eo quod neque in præsentia, neque in futura vita habeant ad hoc capacitatem proportionatam: sed per quandam spiritus redundantiam, recreationem delectationemque recipiunt, qua potentia istæ attrahuntur, ad recollectionem, in qua iam bibit anima bona spiritualia: & hoc est descendere potius ad illorum conspectum, quàm ad eorum essentialem gustum: & sic gustant redundantiam quæ ab anima illis communicatur. Dixit autem descendere, nec aliud verbum usurpat, ut significet has potentias à proprijs suis operationibus descendere ad animæ recollectionem: In quam Dominus Iesus, dulcissimus Sponsus intromittere & collocare dignetur omnes, qui invocant nomen eius.
Amen.

L A V S D E O

SPIRI-

B.
Joann
à Cru

Opera
mysti
NV
129